

嘉慶廬州府志

廬州府志卷二十一

名宦下

牧令佐雜教職

合肥縣

顧雍 胡璘 楊鍊 孫聰

潘恕 陳其樂 余嘉詔 萬鍾祿

胡時化 陸懋龍 涂喬遷 胡震亨

熊文舉 侯佐 張鯤翔 呂鳴燕

岳呈祥 張九鵬 方象璜以上縣令 劉公泰縣丞

孫覺 江潤身以上主簿 曾師孔 于鳳以上教諭

舒城縣

陶謙 王臻 王汝舟 變理溥化

鄒原方 員熾 朱學淵 劉顯

程文 劉欽順 程善 郭懋

陳魁士 朱長春 林材 王宗聖

張可捷 蔡其珍 何朝聘 張文炳

周國柱 董守義 張傑 朱振

王朝瑞 周振舉 李光埏以上縣令 王洙縣尉

胡聰甫 芒文纘 顧琛 黃貴

周璇 孫士美 徐鳳階 金標

徐千之以上教諭 朱邦喜 童玫 萬人長

徐文璠 余汝霖以上訓導

廬江縣

謝惟士

吳懋

元顏綱

伍壘

馬驥

李顯

梅江

劉紳

胡暘

劉瑄

王家賓

劉裁

劉逢愷

趙國琦

劉時俊

彭大科

楊珥

耿廷錄

劉五緯

孫宏詰

祁文友

許長庚

李衍芳

王仁深

吳寶彥

孫承祚

以上縣令

楊台

縣尉

陳中州

周以魯

王守道

王元佐

以上教諭

燕洵

訓導

無爲州

楚建中

茹孝標

雙漸

王蓮

米芾 陳瓘 李柄 王愈

胡仲 趙淮 趙汝談 丁仁

孫吳會 夏君祥 董曾 唐元

樂瓚 李允恭 李恪 鄒以信

王仕錫 楊士傑 杜彪 李傑

趙璧 馬儁 李玻 李麟

毛一言 何寵 洪邦光 查志文

陳應龍 何邦漸 李作舟 孫慈

史應遜 張化樞 佟國楨 喻珩

顏堯揆 楊奇烈 胡良佐 陳文言

以上州

王碩 魯執中 王益 陳善

齊 恩以上列 呂夷簡 張 運 李公麟

丁 健以上州 鄭 閱 陳道曾 周 楹

鄭伯和 林學道以上學 陳 蘭訓導

巢縣

周 瑜 顏 連 阮美成 趙登善

江 珩 陳 華 桂廷用 王 寧

閻 徽 費 廣 林宗哲 何文邦李謨

樊 韶嚴宏 宋 燾 周思克 柳應侯

陳經言 馬如麟 王以霖 夏崇謙

蔣英才 嚴 覺 耿獻忠 陳自明

聶 芳以上縣 焦 抑縣丞 韓志義 陳國梁以上縣

陳瑞

許仁

鄭身

謝誨

朱有光

馬爾騃

王彝章

吳調元

魏侯聘

呂

鏗

以上教諭

桂璉

許端惠

節聯

曹可教

劉士鼈

劉光楚

汪震鯤

以上訓導

廬州府志卷二十五

賜進士出身廬州府知府溫陵張祥雲王修  
名宦傳下

牧令佐雜敘職

合肥縣令

漢

顧雍字元歎吳人州郡表薦弱冠爲合肥長轉在婁曲阿上  
虞皆有治迹權爲吳王封陽遂縣侯黃武四年封醴陵侯  
代孫勅爲丞相

三國志列傳

明

胡璘山東歷城人景泰進士天順甲申知合肥公勤仁恕士



民戴之擢監察御史祀名宦

明隆慶志

楊鍊河南靈寶人登進士知合肥明敏剛斷案無滯牘擢監

察御史祀名宦

明隆慶志

孫聰字克明直隸開州人登正德辛未進士知合肥寇亂之

後悉意安輯民漸復業至今頌其恩

明隆慶志

潘恕字行甫廣東海陽人知合肥吏民一見輒不忘置學田

數百畝歲收以給寒賔

明隆慶志

陳其樂江西貴溪人嘉靖辛丑進士知合肥雖居官家人不

廢紡績其同邑夏言當路未嘗一通書問

明隆慶志

余嘉詔廣東順德人嘉靖乙丑進士知合肥嚴毅寡合境內  
當災傷凋瘵之餘刻意節省定爲規則鐫之堅珉政成擢

監察御史

明隆慶志

萬鍾祿江西東鄉人隆慶戊戌進士知合肥廉明端慤吏民不忍欺擢南京刑部主事去之日閩邑遮留

明隆慶志

胡時化字龍匯餘姚人進士隆慶五年知合肥先是肥田但插標爲識弓口無實數稅畝者影響立法以三等九則徵之一切供億取足甲戶時化令置官弓親丈每石派差糧若干每丁五分命曰一條鞭是外絕無科斂名色官私俱便尤雅意作人刻名世文宗爲多士舉業資

明隆慶志

陸懋龍字啟原蘄縣人登進士知合肥前任胡時化定一條鞭吏侵欲撓其成懋龍下車搜狡吏大創之重文士亦諫士自重一見兩造有子衿鞠雖寬弗善也祀名宦

明隆慶志

涂喬遷字聲宇江西南昌人登進士知合肥值歲大荒多方捐賑有奸胥乾沒者訪戍之肥當衝劇夫征馬驛重爲民困每僉報一人咨歎良久旣擢御史猶深爲邑慮每向當要言之肫肫焉歷左通政南太僕卿三過肥肥之人如瞻慈母云

明崇禎志

胡震亨字孝轅海鹽人舉人知合肥聰察若神頑梗至前一屬目便能指數姓名邑鳳糧役舊僉民戶領價糶解中產立盡乃請爲官解以丞簿尉遞主之而於糶價外量加耗羨官民稱便諸猾多假近胥爲囚緣廉其狀痛撈之曰某在治有毒吾民者載概以俟一世家裔犯偷資以金錢其人媿感卒爲良士善政甚多任五載遷守德州因母老告

歸明崇禎志

熊文舉字公遠崇禎時知合肥爲政廉平流賊至分守西偏築威遠亭於其上指畫有方擢銓曹後官至少宰

江南通志

侯佐字東俾山西進士知合肥剛正明決槩卻竿牘歲旱開倉賑卹獎激好義單騎擒亂民十餘人置之死遠近帖然

擢吏部

康熙志

國朝

張鯤翔字鵬舉陝西人順治丁亥進士知合肥爲政和平嚴不過刻寬不過縱時皆以循良稱之

江南通志

呂鳴燕北直舉人知合肥仁恕清約未及一載卒貧不能殮士民資助其歸葬

康熙志

岳呈祥北直人順治間知合肥政簡刑清民稱慈母卒貧不能歸葬

縣志

張九龍北直人康熙二年知合肥英明敏決案無滯牘陞蒲

州知州

縣志

方象璜字雪岷浙江進士前任荊州司理康熙初改授合肥爲政持大體不事煩苛廉明端正吏胥不敢欺任二載以艱去邑人思慕之

縣志

縣丞

明

劉公泰湖廣貢生授合肥丞剛毅清約捐俸置店埠鎮樓垣

民獲安堵

明隆慶志

主簿

宋

孫覺字莘老高郵人登進士第調合肥主簿歲旱州課民捕蝗輸之官覺言民方艱食難督以威若以米易之必盡力是爲除害而享利也守悅推其說下之他縣民竝賴之後

知廣德州徙廬州改右司諫

宋史列傳

江潤身字崇德婺源人咸淳初進士授梁縣尉兼合肥主簿廉明剛決獄多平反

明隆慶志

教諭

明

會師孔福建侯官縣人成化中以鄉舉來署合肥教諭事存

心嚴正問學淵源勢利聲華未嘗一涉臆腑見諸生有貧乏者往往捐常祿助之都憲孝感張公瓚撫臨師孔以老疾辭張嘉之檄有司以禮獎異

明隆慶志

于鳳字宣治江西新淦人宏治甲子舉於鄉正德八年署合肥教諭事天性孝友居身清約畱心正學教重本源三年一介不取接人無疾言厲色諸生一有不善唯恐知之丙子秋以疾卒祀名宦

明隆慶志

舒城縣令

漢

陶謙字恭祖丹陽人察孝廉拜尙書郎除舒令郡守張磐與謙父友意殊親之而謙耻爲之屈卒以搆隙謙清白無以

糾舉祠靈星有贏錢五百欲以贓之謙委官去後牧徐州  
卒張昭等稱其有甘棠遺愛焉

三國志列傳注

宋

王臻字及之汝陰人舉進士第歷知舒城剛嚴善決事所至  
有風迹

宋史列傳

王汝舟婺源人神宗時爲舒城令推行荒政全活甚多歷官  
夔州提點刑獄著雲漢文集百卷

明隆慶志

元

變理溥化蒙古進士秦定間任舒城縣達魯花赤時旱民甚  
飢凡素藏之家悉過糴民欲劫廩幾至亂公開於朝獎激  
好義之家出糴糴穀實民數驗口賜給民賴以生又修學



舍明倫堂縣治東有龍眠書院基爲僧所併乃復之新其

廟元學士虞集揭傒斯爲之記

康熙志

明

鄒原方滕縣人洪武甲辰知縣事招徠流亡撫卹凋弊民賴以安

明隆慶志

員蟻陝西鳳翔人前中書省掾洪武丁未知縣事夙夜精勤究心民瘼扶衰起憊政通民和

明隆慶志

朱學淵新淦舉人臨政勤敏出以公廉稱舒之賢令焉

明崇禎志

劉顯豐城人登乙科課農桑興學校增開水利高下合宜尤

剛廉得民隱縣人祀之羹頡侯廟

明崇禎志

程文確山人登進士成化十八年知舒城練達吏治鋤抑強  
槩興學校重水利均徭役災傷爲舒民懇免歲辦擢御史  
士民立碑誌焉

明隆慶志

劉欽順石首人登進士嘉靖間知縣事公廉勤敏注意文學  
政暇輒詣鄉社訓誨生徒至今遺教猶存

明隆慶志

程善江西監生爲舒令大得民心三去民三請復愛戴益切

於初

明崇禎志

郭懋江夏人舉人知舒城縣事鼎建石城繼至者藉手訖工  
捍衛之功永垂不朽卒祀名宦

明崇禎志

陳魁士漳浦人舉人知縣事定條鞭摘奸究清水利捐俸葺  
龍津一橋民無病涉典利除害舒民食德無窮

明崇禎志

朱長春字大復烏程人登進士擅文名日與士講藝手批口授寒暑不停適有河夫大馬諸檄處分已定而民不知巨奸積猾爲之落膽邑頌神明以憂去

明崇禎志

林材閩縣人進士知縣事公明廉峻令行禁止倉儲遍野荒政聿修十七年大旱以所積羨餘抵完馬價六千免民額徵舒人至今傳頌

明崇禎志

國朝

王宗聖遼東人爲舒令詳慎清操政尙寬平和而能介邑經兵燹之後安輯流亡威德互用

府案

張可捷大同人舉人爲人恂恂無華不才智自銜安靜寬

和順民好惡時稱循吏

府案

蔡其珍營山人解元知縣事廉明惠愛不剛不柔奸吏舞文者必痛懲無敢欺飾民甚賴之

康熙志

何朝聘奉天人康熙初知舒城縣明敏有才略正賦不缺於供而民無催科之擾招民墾田給以牛種治舒七載獄訟

衰息

江南通志

張文炳臨川人舉人知舒城縣寬和廉潔教有士子接見必以禮勤於撫字閭閻無催科之擾壬子南闈校士網羅名

宿文章吏治稱兼善焉

府案

周國柱奉天人任舒令舒介江淮孔道輪蹄相接廉能克己徵求不擾履畝清糧除奸剔弊邑人愛戴之

府案

董守義奉天人康熙中知舒城縣有幹濟才逆藩之亂舒爲

衝邑大兵往來驛路舟車芻糗應時而辦閭閻無擾邑人

戴之

江南通志

張傑陝西三原人舉人爲舒令廉明仁恕鞠獄公平人莫敢欺寓撫字於催科邑無逋賦課士愛民前令張文炳修邑乘未成傑虛衷採訪遂克成書

府案

朱振嘉興人進士爲舒令時漕政令紅白分貯民有揀米之苦振懇請漕院得免其役江北至今賴之縣西北鄉田舊資七門堰水明季寇燹後豪強占塞田多苦旱振開壩濬溝俾山水盈科而進漑數千頃十蕩九陂咸食其德又烏羊堰故道久湮振相度形勢重開包家堰而舒之東南鄉遂爲映日上臺有清絕一塵才堪肆應之獎以勤致疾卒

於任崇祀名宦

府案

王朝瑞山東長山人貢生爲舒令甫下車卽捐修明倫堂設崇文書院立義學實行督課絃誦不輟七門堰故道淤塞極力開濬民咸利之鼓樓北復爲修建衙舍湫隘更爲改創彰善癉惡四境肅清舉修廢墜不勞民力遷平遠州又補六安州卒於官

府案

周振舉祥符人進士素有文名由盱眙調任舒城課士以文教民以儉決獄明允濬舊河興水利時有水災親督吏役作筏救民全活無數後卒於官

府案

李光埏興安人舉人治舒以慈惠著愛民禮士歲旱潔齋步禱甘霖立霽居常布衣蔬食不喜儀從舒人愛戴之

府案

縣尉

宋

王洙字原淑應天宋城人甲科補舒城尉洙汎覽傳記至  
圖緯方技陰陽五行算數音律詁訓篆隸之學無所不通  
終侍讀學士諡曰文

宋史列傳

教諭

明

胡聰甫邑人木邑教諭

傳見人物文苑

芒文纘爲舒教諭時蜀王在中都遣使延之贈詩云河西有  
一士睠言舒城老濠上旣相憐志學復同道設醴待英賢  
所願開懷抱此生得重會菽首談舊好嗟子駐淮南聞名

苦不早 明崇禎志

顧琛舒教諭行可範士尤工於詩 明崇禎志

黃貴舒教諭立教嚴飭取子不苟一時人士奉爲典型 明崇

禎志

周璇爲舒教諭端重飭默師範肅然周恤貧士不惜自出已  
資迄今遺教未泯也 明崇禎志

孫士美上海舉人教諭登第作人爲士林所戴時流氛逼舒  
率諸生協力備禦城陷死焉事聞卹贈京秩 康熙志

國朝

徐鳳喈金壇人舉人制藝膾炙人口詩倣王孟古文方駕歐  
韓任舒教諭正直忠恕士賴成就者甚多後以憂去官舒



人留之不忍舍設教三河嚴條約講學闡性命之旨如在  
官時一時俊乂皆遊其門服闋補任太湖卒於官

府案

金標江浦人壬子拔貢學養兼優重禮法有古君子風授舒  
教諭嚴立規條訂期課士講解經義雅重孝友根柢之學  
不徒事文辭年八十餘以老疾去官卒於家舒士至今思

其教

府案

徐千之潛山人拔貢舒教諭才識超邁爲江左名儒縣學舊  
傾圮千之蒞任卽倡修由櫺星泮橋儀門大成殿及圍牆  
前道一椽片石種栢栽槐皆其手澤乙未旱與賑事多所  
全活民戴其德每月嚴條約課士評騰甲乙士多賴以成  
著有靜遠堂時藝年七十六陞國子監學正

府案

訓導

明

朱邦喜臨川人舒學訓導講學論文獎貞磨鈍經師人師兩俱擅也後中應天戊子鄉試陞嘉興府同知

明崇禎志

國朝

童攻上海人以明經授舒訓導爲人嚴重廉潔課士勤恕暇則飲酒賦詩以爲常年八十餘致仕臨行止攜來時兩敵

籠圖書數卷而已

府案

萬人長睢寧人年九十三始以明經授舒訓導爲人骨鯁面如凍梨不杖不扶步履拜跪如壯時諸生課藝手自批點不倦暇時猶潑墨畫米家山水得其片幅者無不珍藏致

仕年九十六

府案

徐文璠興化人孝友姻睦閭里咸推重之以明經爲舒訓導課士以實學敦品爲最條約一仿蘇湖暇則日手一編自娛苜盤寒儉晏如也

府案

余汝霖銅陵人以明經授舒訓導厚德謙光有先儒風在官以講學與賢爲己任設條教課士評臨不苟士貧乏不能赴試者時割清俸俵助之爲制藝一遵瞿唐詩賦募範盛唐凡修邑乘新學宮葺試院皆其善政也年八十三卒于官返櫬時舒人士釃酒執紼延數十餘里其盛德之感人如此

府案

廬江縣令

宋

謝惟士河南陳西人建隆初以大理評事出爲廬江令時江

淮新設縣治撫綏士民境內以安

明隆慶志

吳懋字禹功陽羨人徽宗時爲廬江令時劇盜劉伍囊蒙廬  
壽間寇掠旁縣去廬江纔一驛懋赴任行至中途或止其  
行懋笑曰男兒當斬寇平亂此鼠輩何爲者今行縛之盜  
聞其來不敢入境羣盜被獲吏詰其何獨不擾廬江曰畏

吳令不敢圖耳

明隆慶志

元

元顏綱字仲常至正初廬江尹政務寬厚民心信服首新文  
廟而春秋朔望命士皆唐服從事彬彬有大雅之風焉

明

明

伍塾字貢均江西廬陵人洪武間知縣開設縣治撫綏百姓  
手書孝經論語教民誦讀廉能之聲籍甚一時

明隆慶志

馬驥字良德山東安邱人宣德間知縣事威德並行邑內稱

治九載去民思之立遺愛碑

明隆慶志

李顯字允明河南扶溝人國子生正統間知縣事廉勤公直  
人不敢干以私遷冀州知州

明隆慶志

梅江字文淵秀水人進士成化六年任廬江令爲政清平擢

監察御史

明崇禎志

劉紳字宗儒衡陽人進士成化九年爲廬江令節勞費惠貧

窮薄賦省刑加意學校以鯁直忤上越十餘年始陞南部

主事

明崇禎志

胡暘字景和直隸任邱人進士爲廬江令蒞治清肅人無敢欺嚴冬風雪惟爇薪以禦寒曰民有雪飛臥榻者吾忍擁爐哉多惠政後擢御史

明崇禎志

劉珪許州人舉人自京山改廬江令守廉持正事舉民安興學作人務期實效凡士民赴愬誣者自服後以例去起知

交河令

明崇禎志

王家賓字西野河南固始人舉人嘉靖中爲廬江令值歲旱民飢多方賑救民賴更生興學造士不阿權貴竟以例去

明崇禎志

劉裁廬陵人舉人爲廬江令政蹟懿美民不能忘去之日爲

立祠以祀

明崇禎志

劉逢愷字策齋泰和人進士嘉靖間補任廬江令僅八月政善民安倡理學抑貂瑞清驛傳蘇民生之苦後轉光祿丞

又爲廬郡省養駒之費至今稱惠

明崇禎志

趙國琦字太室南昌人進士知廬江事甫下車創文昌閣課多士文風以正調勻山圩糧賦一切商稅火耗悉申裁革

拔冤鋤梗城社肅清未及期調繁常熟

明崇禎志

劉時俊字夢霄四州富順人進士知廬江事毀城南司疫廟爲大觀書院力行教化除奸鋤暴甫二載而訟獄清勾稽省桑麻遍野狐鼠潛踪改調桐城士民如失慈母

明崇禎志

彭大科字愧名分宜人舉人爲政平易近民除刁猾隣邑有  
有豪強魚肉我民者以去畱爭之縣苦差徭乃令里甲朋  
當以均勞逸省耕重農分社造士擢兵馬司逆璫新第成  
獨不舉賀生平梗概可知

明崇禎志

楊輝字對龍陝西選貢知廬江縣立心仁厚愛士興學陞南

康府同知

康熙志

耿廷錄字虞門雲南舉人知縣事爲治刑清訟簡兩造自拘  
以聽免罰贖謝賂遺大有功於廬

康熙志

劉五緯字夢鳳四川人進士知廬江有善政調繁無錫錫民  
於順治年間建祠追祀

康熙志

國朝



孫宏詰字仲吉樂安進士順治七年涖任時城垣廨宇皆燬於兵宏詰捐俸繕女牆蓋重關築滾壩瘞城內外無主遺棺骸骨無暴露鼎建公署重新學校別立社學造士朔望親臨考核增置倉廩建立養濟院脩輯邑志居任數年百廢具舉公餘染翰摘詞多流麗可誦後以海寇薄城失守死士民悲痛不置爲位於社學以祀之

縣志

鄒文友廣東人進士順治十八年知廬江縣清丈量均里甲

平賦役勸農桑政成擢主事

江南通志

許長庚湘潭舉人康熙十七年知廬江縣天資仁厚政簡刑清圖圉空虛幾於無訟

縣志

李衍芳字徵遠雲南人康熙二十三年知廬江邑南有二湖

環湖皆圩田惟缺口一河通江洩水豪民每截河作壩障上流以資灌溉澇則以隣爲壑又編竹橫於河以收漁利民病之衍芳特申請除去

江南通志

王仁深儀封人聰明有膽略下車之初懲拳勇豪猾武斷鄉曲者無少貸遁逃竄盜望風遁跡民俗爲之一新

縣志

吳賓彥字榮園錢塘人由經歷陞任慈祥愛民爲政務安靜與士民相接油油藹藹善氣迎人在任十年邑無擾害前

邑乘其所績修也陞耀州知州

縣志

孫承祚正白旗人性明敏善折獄猾吏奸民不得逞志振興學校士民莫不戴德

縣志

縣尉

宋

楊告綿竹人允恭子賜同學究出身調廬江尉時張景管吏死而吏捕急逃歸告懼不見納告曰君勿憂也吾死生以之景卒免告曉法令頗知財利而不務苛刻時號能吏

宋

史列傳

教諭

明

陳中州浙江青田人貢生嘉靖十二年署教諭事文學優贍有盛名謁選時鄉人有貴顯者命作馥清殿賦許以要職竟不就端已率士談道自樂不媿古高士云

明隆慶志

周以魯安福人邑教諭以道自任每于金剛寺講明正學寒

暑不輟惠貧士卻束修後陞詮部司務

縣志

王守道浦縣人貢生任廬江教諭恬淡寡營每日袍服坐堂上稱說理道表章文成慈湖之學士類翕然向風祭器缺捐俸修飾如故歲斂學租弟子中次第其尤貧者加給焉

陞常德府教授致仕

明崇禎志

王元佐酒州人任廬江訓導轉教諭與士子相接如家人日聯社爲文模範條教一如古人

明崇禎志

### 訓導

明

燕洧河南人舉人任廬江訓導慨然任興起人文之責嚴立軌範因材施教諸生中貧而有志者分俸給之後卒於官

明崇禎志

卷之三十三

三

無爲州牧

宋

楚建中字文正仁宗朝以天章閣待制出知無爲軍清靜不擾在郡無赫赫名去後民立祠祀之知軍趙汝談爲之記

明隆慶志

茹孝標舒城人知無爲軍

傳見人物名臣

雙漸州人知無爲軍

傳見人物名臣

王蓮哲宗時知無爲軍爲民興三圩開十二井又築北嶺以捍水患至今蒙其利

明隆慶志

米芾字元章吳人也爲文奇險不蹈襲前人軌轍善書畫好

古鐘鼎器皿法書初宣仁后在藩邸時帝母出入邸中以舊恩補校書郎嘗爲太常博士出知無爲軍逾年復詔爲書畫博士擢禮部員外郎子友仁字元暉亦善書畫世號

小米

東都事略

隆慶志故老相傳帝在郡時飛蝗入境不傷禾稼人以爲異云

陳灌字瑩中南劍人大觀中以右司諫彈蔡京謫知無爲軍

爲政廉平

明隆慶志

李柄字子權歷陽人知無爲軍有聲

明隆慶志

王愈知信州禦方臘有功因忤時相坐廢汪存訟其屈起知

無爲軍多異政

明隆慶志

胡伸字彥時婺源人文與汪藻齊名時人語曰胡伸汪藻江南二寶以司業出知無爲軍會巢縣猾民有訴令歛錢若干積置列肆中伸察其妄果廢得其積與簿書具載所以餉吏者遂按致訴者罪公政尙慈恕利病灼然去之日士

民繪其像於學校

明隆慶志

趙淮丞相葵之從子也值李全之叛屢立戰功官至淮東轉運使德祐中戍銀樹壩兵散與其妾俱被執至瓜州阿朮使淮招李庭芝淮佯諾至陽城下大呼曰李庭芝男子死耳母降也阿朮怒殺之棄屍江濱

宋史列傳

趙汝談字履常河南人丞相趙汝愚欲驟以詞掖處之力辭汝愚去國其弟汝讜力上疏乞留汝愚兄弟同罹黨禍斥

去改知無爲軍獻料敵備邊二策後宋沿邊諸郡兵事無  
冑任責者其言悉驗

宋史列傳

丁仁湖廣人寧宗時知無爲軍築堰普水溉田民德之呼爲  
丁公堰後領兵解合肥之圍

明隆慶志

孫吳會字楚望雷溪人登端平第監州興革時務咸中事宜

善詩文不尙綺麗

明崇禎志

明

夏君祥州人元季兵起鄉里推爲城主

傳見人物名臣

董會知無爲州陳友諒執會欲降之不屈縛而沈諸江世傳

泥汊口卽會遇害處

明崇禎志

唐元字元亨臨淮人國子生洪武中知無爲州招撫士民勞



來有序深得民心擢太僕少卿

明崇禎志

樂瓚潞州人洪武十年知無爲州剛毅信直民畏服

南畿志

李允恭知無爲事公平廉直人多稱頌

明崇禎志

李恪知無爲正己率下多嚴威吏民悚戢

明崇禎志

鄒以信廬陵人六樂五年知無爲州政尙德教州人感化以

博學能文稱文章太守

南畿志

王仕錫南城人永樂二十二年知無爲州興學勸農修廢舉

墜任滿民留之復任九年

南畿志

楊士侗福建建安人進士任無爲知州賦性明敏文學政事

俱優州治景物多所題咏時亦以文章太守稱之

明崇禎

志

杜彪魏縣人舉人知無爲州初下車故不治事吏胥竊喜謂可欺已而情槩灼然迺振紀綱均賦役鋤強扶弱奸豪斂跡以廉能著稱

明陸慶志

李傑北直真定人舉人知無爲以孝聞涖政慈惠爲民所思

明崇禎志

趙瑩山東歷城人進士以給事中判無爲陞知州清慎有治

才擢陝西僉事

明崇禎志

馬儁山西陽曲人舉人知無爲廉平正直民至今思之

明崇

禎志

李玻縉雲人舉人正德中任無爲知州以憂去嘉靖五年復任修舉廢墜勤政愛民久旱暴日中步禱甘霖立沛

明崇

贛志

李麟萬安人進士嘉靖八年來知州事清簡明決政暇至里

社爲童子正句讀教以詩禮有古循吏風

明崇禎志

毛一言紹興衛人以僉事左遷知州貞介剛直人皆敬憚三  
年惟一僕從任祇存數篋以藏圖書卽古廉吏不能過

明隆慶志

何寵臨海人由進士任知州慈祥愷悌不事苛察至法所當

施亦不假借時倭夷警報修築城池民爲立祠祀之

明隆

慶志

洪邦光號賓吾同安人進士知無爲清貞卓練州土田自唐  
元立折算之法除養馬免糧田外一切歲辦甚重民或曰

多賦寡或無田包賠從未得均邦光酌議申請分爲四則  
一曰山圩田灘田其稅爲秋糧一曰山圩地基塲灘地其  
稅爲夏麥一曰柴草石等山荒岡草灘其稅爲絲綿一曰  
潭溝塘埭其稅爲糖油各有差等將稅糧馬價照畝勻攤  
原額罔失至今垂爲定例

明崇禎志

查志文字岐峯浙江海寧人由舉人通判廬陽尋視州篆萬  
歷八年以河工加陞本府同知仍掌州事惠愛士民政事  
畢舉鼎新學校築金墩修南橋興里社祀八蜡復鄉厲壇  
纂輯郡志皆一時盛舉值歲旱潦疫厲施粥布泉給藥餌  
賑種具以生活一方拯恤之術纖悉具備其播之與頌者  
不可殫述

州志

陳應龍號起田福建侯官人進士知無爲州土橋河清山圩  
受九江一帶江流民築堤江濤爲圩大小凡三百六十有  
零盛夏水漲江流內與黃白二湖水合百里膏壤盡歸漂  
泊應龍親涉汙萊浮大江經晝累月照糧派夫築堤五千  
一二百七十餘丈以捍江湖自是歲事乃登後人得援制增  
補以息江患人思其德名曰陳公壩云

明崇禎志

何邦漸號紹渠雲南浪穹人選貢判鳳陽府陞無爲知州大  
荒之後停征省役獨督蠶民者盡法釐剔案無留牘日延  
賢德訪民瘼先是州漕米三千八百餘石例運黃落河交  
兌北上又五千一百餘石由長江水行千三百里解鳳陽  
旣至又僦車運二十里乃抵倉江濤覆溺及虧耗需索甚

爲民害而鳳陽臨淮二縣故有滯米五千四百餘石彼民亦久苦北運邦漸請留二縣米充鳳陽倉而以本州之米并於黃落河交兌將水脚銀代鳳臨買米三百石以足原數爲惠無窮未一載調邳州深山窮谷之老相與掩關罷市旦暮上食遮留浹旬而去

明崇禎志

李作舟號二溟合州人進士任無爲知州文翰自喜加意作人聽訟務盡其情凡糧課耗羨俱辦進奉等項一切革去其自奉甚菲居恆服大布之衣一日大寒市褐爲裘書吏題封曰價若干買細褐一疋作舟易之日照價買常褐吏民進見皆不忍欺陞戶部臨發惟圖書數冊庫吏進羨金悉封貯之解腰帶作路費以行

明崇禎志

孫慈字生白，斬水人。知無爲州。莅任初，六曹案牘山擁，以進慈剖決如流，詞訟紛呶，不煩數言，兩造俱服。課士於墨池，親爲殿最。有和州盜叛及本州良民勾提者，視爲奇貨，將屬廢焉。至州，堦趨，不敢進。慈以數言折之，隸汗下曰：「眞神明也。」閱半載，民幾無訟。諸役投牒告退，民八十以上者，致粟帛，親詣其間，爲進食焉。恤孤賑貧，視民如子。明崇禎志

史應選，懷慶人。進士。天啟三年，知無爲。慈惠愛人，值歲荒遠，鄉饑，民有掠穀者，公含淚薄撻之。民由是懷其德，率安分待賑焉。州賦舊例，官徵民解，差役煩劇，民甚苦之。應選定法官解民困，獲蘇考最。陞蘇州知府。去士，民立祠祀之。州志

張化樞雲南舉人崇禎十五年任湖廣漢陽府節推淮撫史  
可法知其才念無爲遭賊新破使領州事化樞至招流亡  
撫瘡痍摘姦發伏十一月有羣賊夜襲城排化樞去公渡  
橋乘閒投水賊急挽之不得死擁至桐城使呼城化樞大  
呼曰我無爲知州也賊脇我至此城切勿開賊立刃之

州志

### 國朝

修國楨奉天人順治中知無爲州瀕江田廬特圩壩爲捍蔽  
十六年三壩將圯國楨相度形勢自鮑家橋至周思溝預  
築堤四千丈有奇名曰四壩後三壩傾而田廬卒無恙

江南通志



喻珩江西進士知無爲州剛正明決精於吏治人不敢欺時有豪惡肆行不法珩廉得其狀立除之編審之役宿廟誓神期公期愼宿弊爲之一清

康熙志

顏堯揆永春人康熙六年知無爲州時前牧修國楨所築新壩漸爲江濤所齧揆自李家祠至王家渡築壩八百八十八丈闊三丈高一丈九尺次年大水田廬恃以無恙并和州含巢二縣皆賴焉州民勒石於壩上名之曰顏公壩

江南通志

楊奇烈字元初奉天人貢生知無爲州先任登萊道以呈課左遷才猷素著甫下車政聲卓然士民引領望惠不久離任常誠其子極曰異日當爲清白吏後十餘年極以貢知

無爲之巢縣兩署州篆先後三臨州治亦異數也

康熙志

胡良佐奉天人以部郎任宿州同知陞知無爲州事清正嚴毅折獄明敏有某姓兄弟濟惡爲民害公下車立置之法自是姦盜屏跡良佐性多忌卒以是去官州民哀請復任未二載復罷州人思之

府案

陳文言奉天人舉人任州事公平正直人不敢干以私裁斷摘發如神建立芝山書院以州民誣爭官洲詳請歸公爲薪水膏火資培植多士尤爲盛舉去之日民遮道泣送歷五十年州民婦人孺子無不知有陳公者

府案

州同

元

王碩河南人延祐中任無爲同知廉潔有幹才不畏強禦嘗承監司檄清理學田夙夜究心得隱漏田一百一十九頃追積負糧米三百石自是廩有餘粟帑有餘財士得所養

明崇禎志

明

魯執中壽州人儒士洪武二年授無爲同知臨政簡實吏民稱便進解州同知

明隆慶志

王益新城人由鄉薦任霍邱令陞無爲州同廉明果斷以興學爲己任時承差千百戶挾威殘民悉捕而杖之民賴以安

明崇禎志

陳善長汀人登進士授庶吉士正統元年同知無爲州事公

正廉平興利祛弊民甚德之祀名宦

明崇禎志

齊恩陝西隆德人監生任無爲同知坦夷廉直長於騎射時寇犯潤之圖山檄恩往禦以寡衆不敵及其壻僕皆死之事聞贈光祿寺丞蔭一子

明崇禎志

州判

宋

呂夷簡字坦夫壽州人祥符中以知茶鹽場兼無爲通判有惠澤及民後知開封專務嚴辨其寬猛蓋有制云祀名宦

明隆慶志

張運字南仲貴溪人紹興五年通判鼎州破賊四十二柵降其衆移貳濡須金人侵廬壽等州大將駐兵淮壩以拒之

運主糧餉未嘗乏絕

康熙志

李公麟舒城人仁宗時爲無爲司戶叅軍政尙通達遇判決

筆無停思

傳詳人物文苑

明

丁健湖廣孝感人任無爲州判有剖決才上官委以疑獄輒多平反尋以賢能調用士民乞畱復任

明崇禎志

學正

明

鄭問州學正學問該博訓士不倦深得士心

明崇禎志

陳道曾福建人進士任州學正通五經規矩整肅士子稱嚴

師焉

明崇禎志

周楹江西安福人舉人任學正存心公恕文學甚優陞寧化

知縣 明崇禎志

鄭伯和閩縣人舉人任學正通經史百家爲文有體裁遠近

師法當道聘取衡文去取悉當士林咸推重之祀名宦 明

崇禎志

林學道福建莆田人由歲貢任本州學正學有淵源躬行實  
踐以典起斯文爲己任年七十以禮致仕祀名宦 明崇禎志

訓導

明

陳蘭江西舉人訓導文學優邃勤於教迪屢膺聘主文衡所

得多知名士有公明之頌 康熙志

巢縣令

漢

周瑜廬江舒城人爲居巢長

傳見人物名臣

顏連無錫人吳孫瑜以爲居巢長使與襄安長饒助招納廬

江二郡各得降附

三國志孫瑜列傳

宋

阮美成舒城人爲巢令

傳見人物文苑

趙登善字從之紹熙中爲巢令葺理縣治尤注意學校殿堂

門廡煥然一新絃誦藹然文風爲之丕振

府案

江瑀理宗時爲巢縣令飭縣治振士風修學校有仁厚之政

康熙志

明

陳華知縣事當開設之初百凡未興華才思流通敏於應務

庶績聿新未幾以事去

明隆慶志

桂廷用洪武中知縣事介節自持改先本務諸解署皆其營

建

明隆慶志

王寧湖廣邵陽人國子生洪武三十四年知縣事宅心明恕

治有成績

明隆慶志

閻徽山東蓬萊人知縣事愛民勸士賦役均平有馴虎之異

歷考邑民上章留之擢本府通判仍莅巢事

明隆慶志

費廣四川進士知縣初如烈日嚴霜既盡化爲和風甘雨政

成擢御史

鹿縣志



林宗哲廣東瓊山人舉人宏治元年莅任巢邑纂輯縣志

康熙志

何文邦廣東進士李謨河南舉人俱正德間知縣先後有禦

寇功

康熙志

樊韶浙江監生嚴宏湖廣舉人前後知縣事惠政著聞民間

肖像以祀

康熙志

朱潤山東進士知縣事器量寬和設施易簡擢給事中

康熙志

周思克餘姚人律已廉斷事敏去後以事過巢百姓擁車不

能行祀名宦

康熙志

柳應候山西舉人知縣在任訪形勝於山川較賦否於人物

重修邑乘具有體裁

康熙志

陳經言浙江選貢爲政敦大體慈愛百姓肅清吏胥莅巢六年百度振飭興學作人修洗耳池亞父碑亭移浮橋甃砌街衢至今士民仰戴

康熙志

馬如麟浙江舉人賦性愷悌愛民如子始至邁歲毅力拯拯全活者衆知巢三年勤撫字均徭役作興士類勸課農桑以憂去民思慕之建生祠在紫皋鎮

康熙志

王以霖廣西舉人爲政不事煩苛簡精課士首浚濠河開古弔橋自是科目不絕以權稅事忤中璫去

康熙志

夏崇謙治巢練習吏事明決犀利奸宄屏跡陞徐州守士民至有千里走候者

康熙志

蔣英才四川選貢治巢不任刑名獨崇寬大催科不擾吏無

舞文

康熙志

嚴覺字知非浙江舉人知縣詳慎嚴肅乙亥流寇破城被執不屈死之家屬同時殉難事聞優卹

康熙志

耿獻忠字伯良陝西選貢知縣才敏有膽略吏畏如神時黃藩鎮州將卒縱橫獻忠御以權術咸爲斂戢歷兵備道順治初撫粵西

康熙志

國朝

陳自明奉天人知縣長厚清廉莅任九年如一日

康熙志

聶芳字桂侯福建貢生知縣事吏治勤勞文章博瞻革現年以蘇民困立滾單以善催科修舉墜廢集治一新

康熙志

縣丞

宋

焦抑紹興間任巢縣丞值歲饑帑空抑極力佐令行寬郵節  
省之政設粥濟饑民存活者衆尤加意學校當時以文章  
政事稱之

明隆慶志

縣尉

明

韓志義陝西人任巢縣典史壬午賊至血戰中流矢卒史公  
可法親爲文以祭之其僕素驍勇善射陣河南拒賊賊不  
敢逼

康熙志

陳國梁浙江舉人任巢縣典史勤政恤民時大兵大疫捐囊  
建忠烈祠於縣側爲民祈福徵員中所僅見也

康熙志

教諭

明

陳瑞莆田人舉人巢縣教諭嚴師範文風丕振毀淫祠新學

宮崇祀名宦

明崇禎志

許仁仁和人鄉貢福建人俱鄉舉教諭師模教澤數十年人

尚思之

康熙志

謝誨巢縣教諭性嚴重有師範修築牆垣栽培樹植置序爲

之一新

康熙志

朱有光巢縣教諭鄭重端雅畱心勸課賑貧卻饋模範重一

時

康熙志

馬爾駱巢縣教諭性淳謹愛名流於士之貧而有行者更爲

加意生平最嗜呂祖謙文在巢著有博議粹語行世

康熙志

王彝章宜興舉人教諭課士甚勤建魁閣修文學於庠序爲

有勞焉

康熙志

國朝

吳調元上元舉人署教諭學行素聞著同歸集十卷用以勸

善至撫育前師之嗣尤敦古誼陞東阿知縣

康熙志

魏侯聘崇明貢生教諭和藹力任修學捐藥醫篋并出

前任望江之俸締葺更新

康熙志

呂銓無錫舉人署教諭在任勸導勸學場呂令振每事就商

陞國子監學正

康熙志

訓導

明

桂璉慈谿舉人巢訓導毀淫祠廢淫祀親閱至以死爭之崇

祀名宦

明崇禎志

許端惠浙江舉人爲訓導廣文及在學及和易師範甚著俱訓

導

康熙志

曹可欽豐縣貢生訓導立心端厚辭職以學弟勉之

康熙志

劉士鼐安東貢生訓導雅度冲襟能消士子浮氣

康熙志

劉光楚潁州貢生訓導素尚恬淡下一字不虛

康熙志

汪震鯤雲南貢生訓導立心渾厚與物無競得共歸行穆然

如坐春風中

康熙志

廬州府志卷二十六

名臣上

范增

文翁

朱邑

周榮

周瑜

樊子蓋

任環

駱知祥

高坊

陶雅

王潛

王崇文

馬亮

馬仲甫

包令儀

包拯

包纒

鍾離瑾

茹孝標

雙漸

張肅

楊察

賈易

張徵

王綰

陳相

東元嘉

王簡

況達

晁顯

秦天佑



廬州府志卷二十六

賜進士出身廬州府知府溫陵張祥雲主修  
人物志

地理書記載人物始於太平寰宇記廬郡凡載巢父文  
翁范增毛義元翳周瑜任環七人方輿勝覽增陶侃楊  
行密李公麟輿地紀勝增魏左慈唐羅珣萬敬儒王景  
仁宋雷有終馬亮包拯阮美成又以左慈入仙釋竝增  
梅福等八人元明已來作志搜羅愈廣今又增其漏略  
凡若干人其郡人之有封爵者已別載封爵志餘爲十  
二門曰名臣名將忠節孝義文苑仕宦篤行隱逸方技  
僑寓列女仙釋其事蹟見於正史者各依本傳節敘得

於採訪者據事直書不加褒貶謹俟史氏他時甄錄云  
名臣上

漢

范增居鄴人素好奇計項梁聞陳王死召諸別將會薛計事  
增說項梁立楚後梁然其言乃求楚懷王孫心民間立以  
爲楚懷王項梁死懷王召宋義爲上將軍項羽爲次將范  
增爲末將羽悉引兵渡河破秦軍行略定秦地聞沛公已  
破咸陽大怒使當陽君等擊關羽遂入至戲西沛公軍霸  
上未得與羽相見增說羽急擊勿失旦日沛公見項王至  
鴻門項王留沛公飲項王項伯東嚮坐亞父南嚮坐亞父  
者范增也沛公北嚮坐張良西嚮侍范增數目項王舉所

佩玉玦以示之者三項王默然不應須臾沛公起如廁遂去令張良持白璧一雙獻項王玉斗一雙與亞父亞父受玉斗置之地拔劍撞而破之曰唉豎子不足與謀奪項王天下者必沛公也吾屬今爲之虜矣漢之三年項王數侵奪漢甬道漢王食乏恐請和割滎陽以西爲漢項王欲聽之增曰漢易與耳今釋弗取後必悔之項王乃與增急圍滎陽漢王用陳平計問項王乃疑增與漢有私稍奪之權增大怒曰天下事大定矣君王自爲之願賜骸骨歸卒伍行未至彭城疽發背死

史記項羽本紀

文翁廬江舒人也少好學通春秋以郡縣吏察舉景帝末爲蜀郡守仁愛好教化見蜀地僻陋有蠻夷風欲誘進之乃

選郡縣小吏開敏有材者張叔等十餘人親自飭厲遣詣京師受業博士或學律令減省少府用度買刀布蜀物齋計吏以遺博士數歲蜀生皆成就還歸文翁以爲右職用次察舉官有至郡守刺史者又修起學宮於成都市中招下縣子弟以爲學官弟子爲除更繇高者以補郡縣吏次爲孝弟力田常選學官僮子使在便坐受事每出行縣益從學官諸生明經飭行者與俱使傳教令出入閭閻縣邑吏民見而榮之數年爭欲爲學官弟子富人至出錢以求之繇是大化蜀地學於京師者比齊魯焉至武帝時乃令天下郡國皆立學校官自文翁爲之始云文翁終於蜀吏民爲立祠堂歲時祭祀不絕至今已蜀好文雅文翁之化

也 漢書列傳

朱邑字仲卿廬江舒人也少時爲舒桐鄉嗇夫廉平不苛以愛利爲行未嘗笞辱人存問者老孤寡遇之有恩吏民愛敬遷補太守卒吏舉賢良爲大司農丞遷北海太守以治行第一入爲大司農爲人惇厚篤於故舊然性公正不可交以私天子器之朝廷敬焉是時張敞爲膠東相與邑書曰明主游心太古廣延茂士此誠忠臣竭思之時也直敞遠守劇郡馭於繩墨胥臆約結固亡奇也雖有亦安所施足下以清明之德掌周稷之業猶饑者甘糟糠穰歲餘梁肉何則有亡之勢異也昔陳平雖賢須魏倚而後進韓信雖奇賴蕭公而後信故事各達其時之英俊若必伊尹呂

望而後薦之則此人不因足下而進矣邑感敝言貢薦賢士大夫多得其助身為列卿居處儉節祿賜以共九族鄉黨家亡餘財神爵元年卒天子憫惜下詔稱揚曰大司農邑廉潔守節退食自公亡疆外之交束修之餽可謂淑人君子遭難凶灾朕甚憫之其賜邑子黃金百斤以奉其祭祀初邑病且死屬其子曰我故為桐鄉吏其民愛我必葬我桐鄉後世子孫奉嘗我不如桐鄉民及死其子葬之桐鄉西郭外民果然共為邑起冢立祠歲時祠祭至今不絕

漢書列傳

周榮字平孫廬江舒人也肅宗時舉明經辟司徒袁安府安數與論議甚器之及安舉奏竇景與竇憲爭立北單于事

皆榮所具草竇氏客太尉掾徐齡脅榮曰子爲袁公排奏  
質氏竇氏悍士刺客滿城中謹備之矣榮曰榮江淮孤生  
蒙先帝大恩以歷宰二城今復得備宰士縱爲竇氏所害  
誠所甘心故常教妻子若卒遇飛禍無得殞歛冀以區區  
腐身覺悟朝廷及竇氏敗榮由此顯名自鄆令擢爲尙書  
令出爲潁川山陽太守所歷郡縣皆見稱紀以老病乞身  
卒於家詔特賜錢二十萬除子興爲郎中興少有名譽永  
寧中尙書陳忠上疏薦興曰臣竊見光祿郎周興孝友之  
行著於閭門清厲之志聞於州里蘊履古今博物多聞三  
墳之篇五典之策無所不覽屬文著辭有可觀採尙書出  
納帝命爲王喉舌臣等旣愚闇而諸郎多文俗吏鮮有雅

才每爲詔文宣示內外轉相求請或以不能而專己自由  
辭多鄙固興抱奇懷能隨輦栖遲誠可歎惜詔乃拜興爲  
尚書郎卒興子景字仲饗辟大將軍梁冀府稍遷豫州刺  
史河內太守好賢愛士拔才薦善常恐不及入爲將作大  
匠拜尚書令遷太僕衛尉代劉寵爲司空是時宦官任人  
及子弟充塞列位景初視事與太尉楊秉舉奏諸姦猾自  
將軍牧守以下免者五十餘人遂連及中常侍防東陽侯  
覽東武陽侯具瑗皆坐黜朝廷其不稱之視事二年以地  
震策免歲餘復代陳蕃爲太尉建寧元年薨以豫議定策  
立靈帝追封安陽鄉侯長子崇嗣至甘陵相中子忠累遷  
大司農後代皇甫嵩爲太尉錄尚書事以災異免復爲衛



尉從獻帝東歸洛陽

後漢書列傳

三國

周瑜字公瑾廬江舒人也從祖父景景子忠皆爲漢太尉父  
異洛陽令瑜長壯有姿貌初孫堅從家於舒堅子策與瑜  
同年獨相友善瑜推道南大宅以舍策升堂拜母有無通  
共策東渡瑜從攻橫江當利擊秣陵破笮融薛禮轉下湖  
孰江乘進入曲阿還鎮丹陽袁術欲以瑜爲將瑜觀術終  
無所成求爲居巢長假塗東歸還吳是歲建安三年也瑜  
時年二十四吳中皆呼爲周郎以瑜恩信著於廬江出備  
牛渚後領春穀長頃之以爲中護軍領江夏太守從攻皖  
拔之時得喬公兩女皆國色也策自納大喬瑜納小喬五

年策薨權統事瑜以中護軍與長史張昭共掌衆事十三年曹公入荊州劉琮舉衆降權延見羣下問以計策議者咸謂不如迎之瑜曰不然操雖託名漢相其實漢賊也將軍以神武雄才兼杖父兄之烈割據江東地方數千里兵精足用英雄樂業尙當橫行天下爲漢家除殘去穢況操自送死而可迎之耶瑜請得精兵三萬人進住夏口保爲將軍破之時劉備爲曹公所破欲引南渡江諸葛亮詣權權遂遣瑜及程普等與備并力逆曹公於赤壁瑜部將黃蓋取蒙衝鬪艦數十艘實以薪草膏油灌其中裏以帷幕上建牙旗先書報曹公欺以欲降曹公軍士皆延頸觀望指言蓋降蓋放諸船同時發火時風盛猛悉延燒岸上營

落煙炎漲天人馬燒溺死者甚衆軍遂敗權拜瑜偏將軍領南郡太守屯據江陵是時劉璋爲益州牧外有張魯寇侵瑜詣京見權乞取蜀并張魯與馬超結援還據襄陽以盛操權許之瑜還江陵爲行裝道於巴邱病卒時年三十六瑜兩男一女女配太子登男循尙公主拜騎都尉有瑜風早卒循弟允初拜興業都尉黃龍元年封都鄉侯瑜兄子暎亦以瑜元功爲偏將軍領吏士千人峻卒全琮表峻子護爲將

三國志吳列傳

隋

樊子蓋字華宗廬江人也祖道則梁越州刺史父儒侯景之亂奔齊官至仁州刺史子蓋解褐武興王行參軍出爲愼

縣令東汝北陳二郡太守員外散騎常侍封富陽縣侯邑  
五百戶周武帝平齊授儀同三司治郢州刺史高祖受禪  
以儀同領鄉兵平陳之後以功加上開府改封上蔡縣伯  
食邑七百戶循州總管煬帝卽位徵還京師轉涼州刺史  
武威太守以善政聞大業三年進位金紫光祿大夫太守  
如故六年朝於江都宮帝謂之曰富貴不還故鄉真衣繡  
夜行耳敕廬江郡設三千人會賜米麥六千石使謁墳墓  
宴故老當時榮之還除民部尙書遼東之役徵攝左武威  
將軍進授左光祿大夫尙書如故九年車駕復幸遼東命  
子蓋爲東都留守楊元感逼王城子蓋徐設備禦至輒摧  
破又檢校河南內史車駕至高陽追詣行在所帝勞之曰

昔高祖留蕭何於關西光武委寇恂以河內公其人也進位光祿大夫封建安侯尚書如故帝謂子蓋曰朕遣越王留守東都不以皇枝盤石社稷大事終以委公凡可施行無勞形迹今爲公別造玉麟符以代銅獸十年進爵濟公卒贈開府儀同三司諡曰景

隋書列傳

唐

任瓌字子瑋廬州合肥人年十九試守靈谿令遷衡州司馬都督王勇盡以州務屬瓌陳亡瓌勸勇據嶺外立陳後輔之勇不從以地降隋瓌棄官去仁壽中調韓城尉未幾罷義師起瓌至龍門請見高祖曰吾此舉其濟乎瓌曰今主政殘酷兵役不止天下之人思見拯亂與之息肩公天付

神武杖順而起軍令嚴明所下城邑無秋毫之犯關中起  
兵者跂踵而待擁義師迎衆欲何不濟哉瓌在馮翊久悉  
其人情願爲一介使入關宣布威靈以收左輔繇梁山濟  
河直趣韓城逼邵陽徇朝邑蕭造文吏勢當自下次招諸  
賊然後鼓行而前據永豐積粟雖未得京師關中固已定  
矣高祖曰是吾心也乃授銀青光祿大夫遣陳演壽史大  
柰步騎六千趣梁山以瓌及薛獻爲招慰大使旣而賊孫  
華白元度等果降且具舟于河以濟師瓌行說下韓城與  
諸將進擊飲馬泉破之拜左光祿大夫留戍永豐倉高祖  
卽位授穀州刺史王世充數攻新安瓌拒破之以功封管  
國公秦王東討爲河南安撫大使會徐元固陷楚邱滑圍

虞城環造崔樞張公謹守之元朗攻虞城不能拔賊平遷  
徐州總管仍爲大使輔公祐反詔以兵自揚子津濟江討  
之公祐平拜邗州都督遷陝州環弟璨爲隱太子典膳監  
太子廢璨得罪環亦左授通州都督貞觀四年卒

唐書列傳

五代

賂知祥合肥人也雅能治金穀遇事輒辦初事田頵爲宣州  
長史太祖旣殺頵以知祥爲淮南支計官勵精爲理事無  
留滯天祐中徐溫秉國知祥與嚴可求左右協力可求任  
軍旅知祥司財賦一時稱之已而初置選舉命知祥董其  
事任用得人世多服其精覈久之授鹽鐵判官武義元年

高祖卽吳王位遷中書侍郎後數年以病卒  
十國春秋吳列傳

高勗舒城人太祖起淮南辟掌書記時軍興事繁用度不足太祖欲以茶鹽易民布帛勗諫曰兵火之餘十室九空又漁利以困之將復離叛不若盡我所有易鄰道所無足以給軍選賢守令勸農桑數年之間倉庫自實太祖以其言爲然悉從之田頌聞之曰仁人之言其利溥矣正勗之謂也  
十國春秋吳列傳

陶雅合肥人生故與太祖同邑太祖用爲將討定舒州盜吳迥李本等命雅攝舒州刺史未幾爲許劼所襲奔還廬州已而擊趙乾之于九華破之授池州置制使改國隸使雅



治池州有惠政寬厚得民景福初田頴攻歙州久不下歙人相與持城下曰得陶雅爲刺史請聽命太祖卽命雅爲歙州刺史歙人納之雅盡禮見故刺史裴樞送之還朝久之加檢校司空潯陽公高祖時遷觀察使會李遇與徐溫不相能誅死雅懼與劉威偕詣廣陵布腹心溫慰藉良厚俾還歙州累加都團練使雅治歙凡二十年卒雅鎮靜寡言善用兵天祐中充西南招討使援陳詢于睦州一夕軍中夜驚士卒多逾壘亡去裨將韓球奔告之雅安臥不動須臾自定亡者皆還無何大敗浙兵鹵王球錢鎰歸世咸服其有應變之略

十國春秋吳列傳

九國志雅典黔州二十餘年民感其化生男女以陶爲字

王潛廬州人初居太祖幕府及事高祖歷官左司郎中典選  
事時喪亂之後官失其守甲簿湮落潛雍容款接坐客常  
滿隨才而使人人自以爲得徐知誥爲相揄選有序潛之  
力也 十國春秋吳列傳

王崇文字光福吳功臣綰之子性重厚儒雅博綜經史少爲  
軍校小心敏幹尙烈祖妹廣德公主出爲欽吉二州刺史  
吉州民多爭訟古稱難治崇文奉法循理無所侵撓吏民  
便之遷虔州節度使初平建州崇文鎮之卽日安輯民忘  
其亂三十年間出領藩鎮入掌禁兵官至使相常褒衣博  
帶與士大夫譚宴風度夷曠時人親重之福州之役迫於  
君命雖爲大將然上則陳覺輩專恣下則王建封劉從勅

跋扈崇文不能制及師潰元宗歸罪於陳覺馮延魯而崇文及諸將皆弗問頃之移鎮廬州入爲神武侍御統軍隨出夏口其治皆如初後主卽位崇文手疏時宜政體備陳箴誨加中書令未拜而卒

馬令南唐書

宋

馬亮字叔明廬州合肥人舉進士爲大理評事知蕪湖縣再遷殿中丞通判常州吏民有因緣亡失官錢籍其貲猶不足以償妻子連逮者至數百人亮縱去無與之期不踰月盡輸所負羅處約使江東以亮治行聞擢知濮州會諸路轉運司置糾察刑獄官以福建路命亮覆訊冤獄全活者數十人遷太常博士知福州蘇易簡薦亮才任繁劇召還

同提點三司都勾院磨勘憑由司久之出知饒州州豪白氏多執吏短長嘗殺人以赦免愈驚橫爲閭里患亮發其奸誅之部中畏懼州有鑄錢監匠多而銅錫不給亮請分其工之半別置監于池州歲增緡錢十萬遷殿中侍御史眞宗卽位上書言陛下初政軍賞宜速而所在不時給請遣使分督之又赦書蠲除州縣逋負而有司趣責愈急宜如赦推恩以寬民故事以親王尹開封地尊勢重嫌隙易生願鑒其繇以示保全親愛之道契丹仍歲南侵河朔蕭然請修好以息邊民帝善其言以亮爲可用王均反以爲西川轉運副使賊平主將邀功誅殺不已亮全活千餘人城中米斗千錢亮出廩米救其價人賴以濟召問蜀事會

械送賊誑誤者八十九人至闕下執政欲盡誅之亮曰愚  
民脅從此特百之一二餘竄伏山林者報今不貸之反側  
之人聞風疑懼一唱再起是滅一均生一均也帝悟悉宥  
之加直史館復遣還部時諸州鹽井歲久泉涸而官督所  
負課繫捕者州數百人亮盡釋繫者而奏廢其井又除屬  
部善道官物二百餘萬還知潭州屬縣有亡命卒剽攻爲  
鄉閭患人共謀殺之事覺法當死者四人亮咸貸之曰爲  
民去害而反坐以死罪非法意也徙昇州行次江州屬歲  
旱民饑湖湘漕米數十舟適至亮移文守將發以振貧民  
因奏瀕江諸郡皆大歉而吏不之救願罷官糴令民轉粟  
以相賙以右諫議大夫知廣州時宜州陳進初平而澄海

兵從進反者家屬二百餘人法當配隸亮悉置不問鹽戶  
逋課質其妻子於富室悉取以還其家海舶久不至使招  
來之明年至者倍其初珍貨大集朝廷遣中使賜宴以勞  
之歷知虔洪二州江陵府再遷尙書工部侍郎復知昇州  
徙杭州加集賢院學士先是江濤大溢調兵築隄而工未  
就詔問所以捍江之策亮褒詔禱伍員祠下明日潮爲之  
卻出橫沙數里隄遂成入爲御史中丞建言士民父祖未  
葬而析居請自今未葬者毋得輒析明年改兵部侍郎知  
廬州徙江陵又徙江寧府仁宗初拜尙書右丞復知廬州  
召判尙書都省兼知審刑院遷工部尙書知亳州又遷江  
寧府以太子少保致仕卒贈尙書右僕射諡忠肅子仲甫

宋史列傳

馬仲甫字子山太子少保亮之子也舉進士知登封縣轅轅道險尼遂備民鑿平爲坦途人便其行爲刻石頌美迺判趙州知台州爲度支判官內侍楊永德言漕舟淮汴間惟水遞鋪爲便詔仲甫偕往訂可否還言其害十餘條議遂格出爲夔路轉運使歲饑盜粟者當論死仲甫請罪減一等詔須奏裁復言饑羸拘囚比得報死矣請決而後奏徙使淮南真揚諸州地狹出米少官糴之多價常踊登濱江米狼戾而民無所售仲甫請移粟以紓其患兩益于民從之遂繇戶部判官爲發運使自淮陰徑泗上浮長淮風波覆舟歲罹其患仲甫建議鑿洪澤渠六十里漕者輒之拜

天章閣待制知瀛州秦州古渭介有唐之南夏人在其北  
中通一徑小警則路絕仲甫得筆粟城故址自雞川砦築  
堡北抵南谷環數百里爲內地詔賜名甘谷堡故時羌人  
入城貿易皆僦邸仲甫設館處之陽示禮厚實閑之也熙  
寧初守毫許揚三州糾察在京刑獄知通進銀臺司復爲  
揚州提舉崇禎觀卒

宋史馬亮傳

包令儀字肅之進士及第授朝散大夫行尚書虞部員外郎  
分帥南京上護軍贈刑部侍郎子拯

明隆慶志

包拯字希仁廬州合肥人也始舉進士除大理評事出知建  
昌縣以父母皆老辭不就得監和州稅父母又不欲行拯  
卽解官歸養後數年親繼亡拯廬墓終喪猶徘徊不忍去



里中父老數來勸勉久之赴調知天長縣有訴盜割牛舌者拯曰第殺而鬻之俄有告私殺牛者拯曰何爲割牛舌而又告之盜驚服徙知端州遷殿中丞端土產硯前守緣貢率取數十倍以遺權貴拯命製者才足貢數歲滿不持一硯歸尋拜監察御史裏行改監察御史時張堯佐除節度宣撫兩使右司諫張擇行唐介與拯共論之語甚切又嘗建言曰國家歲賂契丹非禦戎之策宜練兵選將務實邊備又請重門下封駁之制及廢錮賦吏選守宰行考試補葺弟子之法當時諸道轉運加按察使其奏劾官吏多摭細故務苛察相高尙吏不自安拯於是請罷按察使使契丹契丹令典客謂拯曰雄州新開便門乃欲誘我反人

以刺疆事耶拯曰涿州亦嘗開門矣刺疆事何必開便門哉其人遂無以對歷三司戶部判官出爲京東轉運使改尚書工部員外郎直集賢院徙陝西又徙河北入爲三司戶部副使秦隴斜谷務造船材木率課取于民又七州出賦河橋竹索恒數十萬拯皆奏罷之契丹聚兵近塞邊郡稍警命拯往河北調發軍食拯曰漳河沃壤人不得耕邢洺趙三州民田萬五千頃率用牧馬請悉以賦民從之解州鹽法率病民拯往經度之請一切通商賤除天章閣待制知諫院數論斥權倖大臣請罷一切內除曲恩又列上唐魏鄭公三疏願置之坐右以爲龜鑒又上言天子當明聽納辨朋黨惜人才不主先入之說凡七事請去刻薄抑

僥倖正刑明禁戒與作禁妖妄朝廷多施行之除龍圖閣直學士河北都轉運使嘗建議無事時徙兵內地不報至是請罷河北屯兵分之河南充鄆齊濮曹濟諸郡設有警無後期之憂借曰戍兵不可遽減請訓練義勇少給餼糧每歲之費不當屯兵一月之用一州之賦則所給者多矣不報徙知瀛州諸州以公錢貿易積歲所負十餘萬悉奏除之以喪子乞便郡知揚州徙廬州遷刑部郎中坐失保任左授兵部員外郎知池州復官徙江寧府召權知開封府遷右司郎中拯立朝剛毅貴賤宦官爲之斂手聞者皆憚之人以包公笑比黃河清童稚婦女亦知其名呼曰包待制京師爲之語曰關節不到有閻羅包老舊制凡訟訴

不得徑造庭下拯開正門使得至前陳曲直吏不敢欺中  
官勢族築園榭侵惠民河以至河塞不通適京師大水拯  
乃悉毀去或持地券自言有偽增步數者皆審驗劾奏之  
遷諫議大夫權御史中丞奏曰東宮虛位日久天下以爲  
憂陛下持久不決何也仁宗曰卿欲誰立拯曰臣不才備  
位乞豫建太子者爲宗廟萬世計也陛下問臣欲誰立是  
疑臣也臣年七十且無子非邀福者帝喜曰徐當議之請  
裁抑內侍減節冗費條責諸路監司御史府得自舉屬官  
減一歲休暇日事皆施行以樞密直學士權三司使凡諸  
筦庫供上物舊皆科率外郡積以困民拯特爲置場和市  
民得無擾吏負錢帛多縲繫聞輒逃去并械其妻子者類

皆釋之遷給事中爲三司使數日拜樞密副使頃之遷禮部侍郎辭不受尋以疾卒年六十四贈禮部尙書諡孝肅拯性峭直惡吏苛刻務使敦厚雖甚嫉惡而未嘗不推以忠厚也與人不苟合不僞辭悅人平居無私書故人親黨皆絕之雖貴衣服器用飲食如布衣時常日後世子孫仕宦有犯賊者不得放歸本家死不得葬大塋中不從吾志非吾子若孫也初有子名縉娶崔氏通判潭州卒崔守死不更嫁拯嘗出其媵在父母家生子崔密撫其母使謹視之縉死後取媵子歸名曰縉有奏議十五卷

宋史列傳

包縉樞密副使拯長子奉議郎潭州通判政肅民安號稱善

治贈太常太祝

明隆慶志

鍾離瑾字公瑜廬州合肥人舉進士爲簡州推官以殿中丞  
通判益州建言州郡旣上雨後雖因旱多隱之以成前奏  
請令監司劾其不實者擢開封府推官出提點兩浙刑獄  
衢潤州饑聚餓者食之頗廢農作請發米二萬斛賑給家  
毋過一斛後徙淮南轉運副使歷京西河東河北轉運使  
改江淮制置發運使殿直王乙者請自揚州召伯埭東至  
瓜州濬河百二十里以廢二埭詔瑾規度以工大不可就  
止置埭召伯埭旁人以為利屢遷尙書刑部郎中爲三司  
戶部副使除龍圖閣待制權知開封府未踰月得疾仁宗  
封藥賜之使未及門而卒

宋史列傳

茹孝標舒城人天聖中進士少負氣節好學不倦吏治有聲

仕至都官員外郎出知江州

江南通志

雙漸無爲人慶歷進士博學能文爲職方郎嘗知同州以和  
易爲政所至見思

明隆慶志

張肅廬江人仕廣東轉運判官以直諒稱後爲江東提點刑  
獄自司馬光而下七十有四人分韻作詩以贈其行皆一

時名流官終都官其後三世登第

明崇禎志

楊察字隱甫其先晉人從唐僖宗入蜀家于成都至祖鈞從  
孟昶歸朝生居簡仕真宗時至尙書都官員外郎嘗官廬  
州遂爲合肥人居簡生察景祐元年舉進士甲科除將作  
監丞歷江南東路轉運使屬吏以察年少易之及行部數  
搆奸隱衆始畏伏察在部專以舉官爲急務人或議之察

曰此按察職也苟持拾遺餘則俗吏之能何必我哉召爲右正言知制誥權判禮部貢院時上封者請罷有司糊名考士及變文格使爲放軼以襲唐體察以謂防禁一潰則奔競復起且文無今昔惟以體要爲宗若肆其瀆漫亦非唐氏科選之法議遂寢晏殊執政以妻父嫌換龍圖閣待制拜翰林學士權知開封府擢右諫議大夫權御史中丞會詔舉御史建言臺屬供奉殿中巡糾不法必得通古今治亂良直之臣今舉格太密坐細故皆置不取恐英偉之士或有所遺御史何郟以論事不得實中書問狀察言御史故事許風聞今以疑似遞被詰問非所以廣言路也又數以言事忤宰相罷知信州徙揚州復爲翰林侍讀學士



又兼龍圖閣學士知永興軍加端明殿學士知益州再遷  
禮部侍郎權知開封府復兼翰林學士權三司使內侍楊  
永德毀察於帝察乞罷三司乃遷戶部侍郎兼三學士提  
舉集禧觀進承旨踰年復充三司使卒贈禮部尚書諡宣  
懿察美風儀幼七歲始能言母頗知書嘗自教之敏於屬  
文爲制誥雅緻有體遇事明決勤於吏職有文集二十卷  
無子以兄子庶爲嗣

宋史列傳

賈易字明叔無爲人七歲而孤母以紡績自給使從學年踰  
冠中進士甲科調常州司法叅軍歲議獄唯求合于人情  
訖去郡中稱平元祐初爲太常丞兵部員外郎遷左司諫  
論呂陶不爭張舜民事與陶交攻遂劾陶黨附蘇軾兄弟

併及文彥博范純仁宣仁后怒其訐欲摘之呂公著救之  
力出知懷州御史言其謝表文過徙廣德軍明年提點江  
東刑獄召拜殿中侍御史遂疏彥博至和建儲之議爲不  
然宣仁后命付史館彥博不自安竟解平章重事而去蘇  
轍爲中丞易引前嫌求避改度支員外郎孫升以爲左遷  
又改國子司業不拜提點淮東刑獄復入爲侍御史上書  
言天下大勢可畏者五一日上下相蒙而毀譽不得其真  
故人主聰明壅蔽下情不得上達邪正無別而君子之道  
日消小人之黨日進二日政事苟且而官人不任其責故  
治道不成其事隳廢惡吏市姦而自得良民受弊而無告  
愁歎不平之氣充溢宇宙以干陰陽之和三日經費不充

而生財不得其道故公私困弊無及時預備之計衣食之  
源日蹙無事之時尙猶有患不幸倉卒多事則狼狽窮迫  
而禍敗至矣四曰人材廢闕而教養不以其方故士君子  
無可用之力而愚不肖充牣於朝汙合苟容之俗滋長背  
上欺君之風益扇士氣浸弱將誰與立太平之基五曰刑  
賞失中而人心不知所向故以非爲是以黑爲白更相欺  
惑以罔其上爵之以高祿而不加勸僂之以顯罰而不加  
懼徼利苟免之姦冒貨犯義之俗將何所不有然則欲知  
毀譽真僞之情則莫若明目達聰使下無壅蔽之患欲官  
人皆任其責則莫若詢事考言循名責實欲生財不逆其  
道則莫若敦本業而抑末作崇儉約而戒奢僭欲教養以

其方則莫若廣詳延之路厲廉恥之節使公卿大臣各舉所知召對延問以觀其能否善者用之不善者罷之欲人心皆知所向則莫若賞以勸善刑以懲惡不以親疏貴賤爲之輕重則民志一定而放僻邪侈不爲矣其言頗切直出知宣州累謫保靜軍行軍司馬邵州安置徽宗立召爲太常少卿進右諫議大夫改刑部侍郎歷工部吏部以寶文閣待制知鄧州卒年七十三

宋史列傳

張徵字新仲舒城人博學工文辭世稱奇士建炎三年爲御史中丞上疏劾黃潛善汪彥伯大罪二十條未幾除守尚書右丞罷知江州以資政殿學士兼江東湖北制置使甲申謫授秘書少監分司西京居衡州別號澹巖居士見宋

學士文集 明崇禎志

王縮合肥人紹興初爲淮西路提點刑獄有平反之頌

康熙

志

陳相合肥人紹興末爲吏部侍郎有賢能聲

明隆慶志

東元嘉合肥人調通城簿毀淫祠正風俗擢縣令以政最聞  
後知秦州歲饑賑濟有法全活甚衆累官樞密都承旨引  
老歸年九十猶課諸孫至夜分不倦

明隆慶志

王簡字謙仲廬江人乾道五年擢進士第爲信州上饒主簿  
鄂州教授四川宣撫司幹辦公事除武學諭孝宗幸學簡  
迎法駕立道周上目而異之命小黃門問知姓名由是簡  
記遷樞密院編修官輪對奏五事讀未竟上喜見顏色明

日諭輔臣曰王簡敢言宜加獎擢除宗正丞尋出守舒州  
陛辭奏疏數條皆極言時事之未得其正者上曰卿議論  
峭直尋出手詔王簡鯁直敢言除監察御史一日上袖出  
幅紙賜之曰比覽陸贄奏議所陳深切今日之政恐有如  
德宗之弊者可思朕之闕失條陳來上簡卽對曰德宗之  
失在於自用遂非疑天下士退卽上疏陳德宗之弊并及  
時政闕失上嘉納之遷起居舍人言朝廷除授失當臺諫  
不悉舉職給舍始廢繳駁內官醫官藥官賜予之多遷轉  
之易可不思警懼而正之乎上竦然曰非卿言朕皆不聞  
磊磊落落惟卿一人除禮部侍郎兼吏部管因手詔謀選  
監司欲得剛正如卿者可舉數人卽奏舉潘時鄭矯林大

中等八人乞擢用光宗卽位遷知樞密院事兼叅政拜樞密使光宗初政精勵胸亦不存形迹除目或自中出未愜人心者輒留之納諸御座或議建皇后家廟力爭以爲不可因應詔上疏願陛下先定聖志條列八事疏入不報中丞何澹論之以罷去後領祠帥江陵寧宗卽位改帥湖南臺臣論罷歸里奉祠七年薨蘭盡言無隱然嫉惡太甚同列多忌之竟以不合去有奏議傳于世

宋史列傳

元

况達廬江人少讀書有用世志泰定末爲光澤令下車邑中富豪素爲長吏信憚者悉不聽入謁獨延見諸生與講學建雲巖書院爲高安令平反冤獄民爲立碑以志去思

晁顯字顯卿巢人其先郟城人文元公裔泰定丙寅爲平江路總管人不敢干以私

康熙志

秦天祐舒城人性孝友嚴重初任本縣丞勸農恤孤不事鞭扑人皆敬畏遷六安知州值地方多寇天祐與許繁悉力保障衆賴以寧明初徵赴京命加以職辭不受

康熙志